

ANEXO VII

DECLARACIÓN - COMPROMISO PARA OS EFECTOS DO SINALADO NO ARTIGO 5 DAS BASES DA ORDE

D. [] , con DNI nº [] ,
en calidade de [] ,
comparece en representación de [] ,
con CIF [] .

DECLARA (sinalar cun X o que proceda):

- ☐ O compromiso de uso e posterior utilización da lingua galega, polo menos, en campañas publicitarias, elementos promocionais e de sinalización interior e exterior do establecemento comercial.
- ☐ O compromiso de utilización da lingua galega, polo menos, en todas as relacións que o interesado manteña coa Administración autonómica, de acordo co establecido no artigo 6.3º da Lei 3/1983, do 15 de xuño, de normalización lingüística.

E para que conste, para os efectos oportunos, asino esta declaración-compromiso.

En [] , []

Asdo.: []

Orde do 28 de marzo de 2008 pola que se establecen as bases reguladoras para a concesión, en réxime de concorrencia competitiva, de subvencións a Pemes galegas para a adquisición ou renovación de equipamento industrial, e se procede á súa convocatoria (IN530B).

A política desenvolvida pola Consellería de Innovación e Industria no marco das competencias que lle atribúe o Decreto 231/2006, do 23 de novembro, polo que establece a súa estrutura orgánica, está dirixida a apoiar a promoción industrial do tecido produtivo galego, incentivando o desenvolvemento de estratexias que contribúan ao dimensionamento e

á capacidade das empresas galegas, tanto no mercado doméstico como no internacional.

Neste senso, os obxectivos desta orde están dirixidos a incrementar, manter e dinamizar a actividade económica na comunidade autónoma, favorecer o desenvolvemento equilibrado do territorio galego e lograr o incremento do emprego, a través do desenvolvemento e mellora da competitividade das empresas galegas, incidindo para iso na precisa adecuación do equipamento industrial existente naquelas, as actuais necesidades de produción e desenvolvemento tecnolóxico. Con estes obxectivos, e nun contorno de flutuacións económicas, as medidas previs-

tas nesta orde contribuírán a amortecer as posibles incidencias na competitividade das Pemes galegas.

De acordo co anterior, a Consellería de Innovación e Industria a través da súa Dirección Xeral de Promoción Industrial e da Sociedade da Información acorda realizar unha convocatoria de axudas a micro, pequenas e medianas empresas galegas para a adquisición ou renovación de equipamento industrial.

Por todo isto, e no uso das facultades que me foron conferidas,

DISPOÑO:

Artigo 1º.-Convocatoria e bases reguladoras.

1. Esta orde ten por obxecto aprobar as bases polas que se rexerá a concesión das subvencións da Consellería de Innovación e Industria para apoiar a realización de actuacións que incidan na capacidade competitiva das Pemes galegas, e que se inclúen como anexo I.

2. Así mesmo, por medio desta orde convócanse as devanditas subvencións para o ano 2008. (Procedemento administrativo IN530B).

Artigo 2º.-Solicitudes.

1. Para poder ser beneficiario das subvencións deberá presentarse unha solicitude axustada ao modelo normalizado que se inclúe como anexo III, anexo IV e, se é o caso, anexo V desta orde, que irá acompañada dos documentos que se especifican no artigo 5º das bases reguladoras.

2. Os formularios de solicitude de axuda deberaos obter, cubrir, aceptar e imprimir necesariamente o solicitante a través da aplicación informática Internet expres (procedemento IN530B) establecida na Oficina virtual desta consellería sita no enderezo da internet <http://www.conselleriaiei.org>. Tamén pode accederse desde o enderezo <http://www.xunta.es> da Xunta de Galicia facendo uso do enlace Consellerías.

Para cubrir correctamente os formularios de solicitude, no citado enderezo da internet disporase de instrucións de axuda que deberán ser observadas en todo momento polos solicitantes.

Poderanse cubrir e obter os formularios ata as 24 horas do día anterior á data de finalización do prazo de presentación de solicitudes.

Os anexos III, IV e V desta convocatoria publícanse no *Diario Oficial de Galicia* (DOG) exclusivamente para efectos informativos, sendo necesario empregar a aplicación informática indicada para a obtención dos formularios de solicitude.

Artigo 3º.-Prazo e lugar de presentación das solicitudes.

1. O prazo de presentación de solicitudes será desde o día seguinte ao da publicación desta orde no DOG ata o 14 de maio de 2008, ambos os dous inclusive.

2. As solicitudes presentaranse preferentemente no rexistro da Consellería de Innovación e Industria, así como nos de calquera outro órgano da Administración xeral do Estado, das comunidades autónomas ou das entidades que integran a Administración local, sempre que neste último caso se teña subscrito o oportuno convenio, ou polos restantes medios previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común (en diante, Lei 30/1992).

Artigo 4º.-Prazo de duración do procedemento de concesión.

Unha vez rematado o prazo para a presentación de solicitudes, estas serán tramitadas e valoradas de acordo co procedemento establecido nas bases reguladoras, que non poderá ter unha duración superior a 9 meses.

Dentro deste prazo, e dado o carácter de concorrencia competitiva da convocatoria, poderanse realizar mediante publicación no *Diario Oficial de Galicia* os requirimentos de emenda e corrección de erros nas solicitudes, así como as notificacións das resolucións correspondentes.

Artigo 5º.-Información aos interesados.

Sobre este procedemento administrativo, que ten o código IN530B, poderase obter documentación normalizada ou información adicional na Dirección Xeral de Promoción Industrial e da Sociedade da Información, a través dos seguintes medios:

a) Páxina web oficial da consellería (www.conselleriaiei.org), na súa epígrafe de axudas e na oficina virtual.

b) Os teléfonos 981 54 55 35 e 981 54 55 25 da Dirección Xeral de Promoción Industrial e da Sociedade da Información e o fax 981 54 47 06.

c) O enderezo electrónico axudas.dxpisi@xunta.es.

d) Presencialmente.

Así mesmo, para cuestións xerais sobre este ou outro procedemento, poderá facerse uso do teléfono de información xeral da Consellería de Innovación e Industria, que é o 981 54 43 41.

Disposicións derradeiras

Primeira.-Habilitación para o desenvolvemento.

Facúltase a directora xeral de Promoción Industrial e da Sociedade da Información para que dite as disposicións que sexan precisas para o desenvolvemento e aplicación desta orde.

Segunda.-Entrada en vigor.

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 28 de marzo de 2008.

Fernando Xabier Blanco Álvarez
Conselleiro de Innovación e Industria

ANEXO I

Bases reguladoras para a concesión, en réxime de concorrència competitiva, de subvencións a Pemes galegas para a adquisición ou renovación de equipamento industrial (IN530B)**Artigo 1º.-Obxecto e réxime das subvencións.**

1. As subvencións reguladas por estas bases teñen por obxecto incentivar o desenvolvemento de actuacións de investimentos en equipamento industrial que incida na capacidade competitiva das pemes galegas a través da súa adquisición ou renovación no ano 2008.

2. O procedemento de concesión desta subvención tramitarase en réxime de concorrència competitiva, e quedará suxeito ao Regulamento (CE) nº 70/2001 (DOCE 13.01.2001) da Comisión, do 12 de xaneiro de 2001, relativo á aplicación dos artigos 87 e 88 do Tratado ás axudas estatais ás pequenas e medianas empresas. Así mesmo quedará suxeito aos regulamentos (CE) 1080/2006 (DOUE 31-7-2006), 1083/2006 (DOUE 31-7-2006) e 1828/2006 (DOUE 15-2-2007) relativos ao Fondo Europeo de Desenvolvemento Rexional (Feder).

En consecuencia co anterior, estas bases poden estar suxeitas a cambios derivados da modificación ou substitución da regulamentación e disposicións anteriores.

Artigo 2º.-Actuacións e gastos subvencionables.**1. Descrición da actuación subvencionable**

Considérase actuación subvencionable a consistente na dotación de equipamento industrial necesario para o desenvolvemento da súa actividade, que poderá ser, tando para a adquisición de novo equipamento industrial coma para a renovación do existente, sempre e cando, o devandito equipamento sexa de primeiro uso.

Gastos subvencionables:

-Os investimentos en activos materiais, entendendo por estes os investimentos en equipamento industrial. Os ditos investimentos só terán carácter elixible cando o seu importe alcance como mínimo os 12.000 euros. En ningún caso se admitirán os investimentos en máquinas individuais que teñan un custo inferior a 2.000 euros, no suposto de acumulación de adquisición de equipamento industrial.

2. Consideracións xerais sobre os gastos subvencionables.

Con carácter xeral e, de acordo co establecido no artigo 29 da Lei 9/2007, do 13 de xuño, de subvencións de Galicia (en diante, Lei 9/2007), considéranse gastos subvencionables aqueles que de xeito indubitable respondan á natureza da actividade subvencionable.

Os gastos subvencionables deberán estar realizados e efectivamente pagados no período comprendido desde a data de solicitude da axuda por parte do

beneficiario e ata a data límite de xustificación establecida no artigo 18 destas bases reguladoras. Todos os investimentos deberán estar plenamente realizados, operativos e verificables na data límite de xustificación do proxecto.

En ningún caso o custo de adquisición dos gastos subvencionables poderá ser superior ao valor de mercado. Así mesmo, a comisión de valoración poderá considerar como non subvencionables, ou limitar a súa porcentaxe en relación ao investimento subvencionable total do proxecto, á vista das solicitudes presentadas, aqueles conceptos que se consideren menos críticos para o normal desenvolvemento da actuación.

Os provedores dos bens ou servizos, están suxeitos ás condicións legais sobre a subcontratación de actividades subvencionadas citadas no artigo 17º destas bases reguladoras e, en todo caso, non poderán estar vinculados coa entidade solicitante ou cos seus órganos directivos ou xestores, agás que concorran as circunstancias previstas no artigo 27.7º d) da Lei 9/2007.

Os beneficiarios terán que manter o investimento durante un período mínimo de 5 anos, aínda que esta norma non impedirá a substitución dos equipamentos que quedasen obsoletos neste prazo debido ás transformacións tecnolóxicas, sempre e cando a actividade económica do beneficiario se manteña en Galicia.

3. Quedan expresamente excluídos do ámbito de aplicación desta orde os seguintes gastos:

-Gastos financeiros derivados de posibles pagamentos aprazados do equipamento industrial, aínda que só se consideran subvencionables os pagamentos realizados entre a data de solicitude da axuda por parte do beneficiario e a data límite de xustificación.

-Investimentos realizados nos centros de traballo situados fóra do territorio galego.

-O imposto sobre valor engadido (IVE).

-Os gastos inmateriais derivados da adquisición do equipamento industrial (formación, viaxes, aloxamentos...).

-Outros gastos que non estean vinculados coa realización da actuación subvencionable.

-Aqueles gastos que sexan subvencionables ao abeiro da orde de axudas que convoque a Consellería de Innovación e Industria este ano en materia das tecnoloxías da información e as comunicacións.

Artigo 3º.-Financiamento e concorrència.

1. Para a concesión das axudas, que terán modalidade de subvención, destinaranse os créditos correspondentes ás aplicacións orzamentarias que se mencionan:

Aplicación	Denominación	Ano 2008 (euros)
10.04.741A.770.0	Achegas para a promoción, internacionalización e mellora da competitividade das empresas	4.794.709,13
10.02.741A.771.0	Apoio á innovación empresarial	1.500.000,00

As ditas aplicacións orzamentarias están cofinanciadas polo Fondo Europeo de Desenvolvemento Rexional (Feder).

Este importe entenderase máximo sen prexuízo de posteriores variacións producidas como consecuencia da existencia dunha maior dispoñibilidade orzamentaria, o que poderá dar lugar á concesión de máis subvencións de acordo coa orde de prelación de solicitantes que resulte de aplicación dos criterios do artigo 10º destas bases reguladoras.

2. A intensidade da axuda poderá alcanzar ata o 45% do investimento subvencionable no caso de microempresas, ata o 40% no caso de pequenas empresas e ata o 35% no caso de medianas empresas.

3. Os límites máximos de subvención aos investimentos só serán aplicables se a axuda se concede coa condición de que a contribución do beneficiario ao seu financiamento sexa do 25%, como mínimo.

4. As axudas previstas nesta orde serán incompatibles con calquera outra das reguladas por esta consellería para os mesmos gastos subvencionables. Serán compatibles con instrumentos financeiros e con outras axudas do Estado sempre que as axudas acumuladas non superen o 45% do investimento subvencionable. En ningún caso poderán superar o 100% dos gastos totais do proxecto.

Artigo 4º.-Beneficiarias.

Poderán ser beneficiarias, sen prexuízo de reunir os demais requisitos establecidos nestas bases, as Pemes privadas de carácter industrial, xa sexan persoas físicas ou xurídicas, con domicilio social ou centro de traballo na Comunidade Autónoma de Galicia, e que acrediten, cunha antigüidade de dous anos, a inscrición da súa actividade principal, nalgunha das epígrafes do IAE que se relacionan no anexo II.

Non terán a condición de beneficiarias as seguintes empresas:

1. Aquelas que pertencen aos seguintes sectores:

- a) Pesca e acuicultura.
- b) Construción naval.
- c) Carbón.
- d) Aceiro.
- e) Fibras sintéticas.

2. Aquelas cuxa actividade estea ligada á produción primaria (cultivo) de produtos enumerados no anexo I do Tratado CE.

3. Aquelas cuxa actividade é a fabricación e comercialización de produtos de imitación ou substitución do leite e os produtos lácteos.

4. Aquelas cuxa actividade estea relacionada coa exportación, é dicir, ás axudas directamente vinculadas ás cantidades exportadas, á posta en marcha e funcionamento dunha rede de distribución ou dou-

tros gastos correntes vinculados á actividade exportadora.

5. Aquelas que condicionen a utilización de produtos nacionais en lugar de produtos importados.

Así mesmo, non se consideran beneficiarios, os/as artesáns ou obradoiros artesanais inscritos no Rexistro Xeral de Artesanía de Galicia, xa que existen outras convocatorias específicas da Consellería de Innovación e Industria para atender este colectivo. Esta exclusión non afecta as entidades artesanais que operan no ámbito da alimentación.

Non poderán ter a condición de beneficiario aqueles solicitantes nos cales concurra algunha das circunstancias previstas no artigo 10 da Lei 9/2007, do 13 de xuño, de subvencións de Galicia. A acreditación de non estar incurso nas ditas prohibicións realízase mediante declaración responsable do interesado, que se presentará ao mesmo tempo que a solicitude, tal como se recolle no anexo IV

Para a clasificación das empresas beneficiarias, segundo o seu tamaño, actuarase de acordo coa Recomendación da Comisión Europea do 6 de maio de 2003 (DOUE 20-5-2003) sobre definición de Pemes.

Pemes.-Aquelas empresas que ocupan a menos de 250 persoas e cuxo volume de negocio anual non excede os 50 millóns de euros ou cuxo balance xeral anual non excede os 43 millóns de euros.

O cómputo de efectivos de persoal e os límites en caso de empresas asociadas ou vinculadas accionarialmente con terceiras deberá efectuarse como dispón o artigo 6º, números 2 e 3, do anexo da citada recomendación da Comisión.

Artigo 5º.-Solicitudes.

1. As solicitudes para participar no procedemento de concesión das subvencións presentaranse na forma e prazo que se indican no artigo 3 da orde da convocatoria.

2. A solicitude da axuda presentarase antes do inicio da execución do proxecto.

3. Xunto coas solicitudes deberá achegarse a seguinte documentación, tendo en conta que no caso de asinar o anexo V, o solicitante deberá realizar as comunicacións coa Consellería de Innovación e Industria e cubrir os anexos en lingua galega.

3.1. Formularios normalizados de solicitude compostos polos anexos III, IV e, se é o caso, anexo V, obtidos a través da aplicación informática sinalada no artigo 2º da convocatoria, debidamente asinados polo/s representante/s legal/ís da entidade correspondente:

3.1.a) Anexo III (modelo normalizado da solicitude, 4 follas).

Inclúe datos identificativos do solicitante, espazo para incluír unha breve memoria da actividade prin-

principal da empresa, a desagregación do financiamento do proxecto, dos obxectivos que se perseguen co investimento que se realiza, das certificacións de xestión de que dispón, así como para enumerar o principal equipamento industrial que posúe e que pretende adquirir.

3.1.b) Anexo IV (modelo de declaración responsable, 2 follas), contendo as seguintes declaracións:

-Declaración expresa de que os datos que figuran na solicitude e demais documentación son certos e de que o solicitante pertence á categoría de Peme, de acordo coa Recomendación da Comisión Europea do 6 de maio de 2003.

-Declaración expresa de que coñece e admite as condicións da convocatoria e cumpre cos requisitos establecidos nela e non está suxeita a ningunha das exclusións establecidas no artigo 4 das bases reguladoras desta orde.

-Declaración expresa de non estar incurso en ningunha das circunstancias previstas no número 2º do artigo 10 da Lei 9/2007.

-Declaración expresa de que respecta a prohibición de subcontratación dos provedores de bens ou servizos nos cales recaia algunha das condicións establecidas no artigo 27 da Lei 9/2007 e de que os provedores non están vinculados coa entidade solicitante ou con algún dos seus órganos directivos ou xestores (de estaren vinculados, farase constar de maneira expresa neste punto).

-Declaración expresa de que a entidade solicitante, cunha antigüidade de 2 anos, está dada de alta nalgunha das epígrafes do IAE que se relacionan no anexo II.

-Declaración expresa do coñecemento de que a solicitude da axuda supón a autorización para que o órgano xestor solicite telematicamente os certificados que emite a Seguridade Social, a Consellería de Economía e Facenda, e a Axencia de Administración Tributaria de estar ao día nas obrigas cos ditos organismos, así como o certificado do imposto de actividades económicas que emite a Axencia Tributaria, autorizando, ou non autorizando, se é o caso, a Consellería de Innovación e Industria para facer as ditas consultas telemáticas.

-Declaración expresa sobre a concesión ou solicitude doutras axudas ou subvencións para o mesmo proxecto e conceptos, procedentes de calquera administración ou entes públicos, nacionais ou internacionais.

3.1.c) Anexo V (modelo de compromiso coa utilización da lingua galega).

-No caso de comprometerse coa utilización da lingua galega en todas as relacións que o interesado manteña coa Administración autonómica como consecuencia deste procedemento administrativo, presentarse o anexo V debidamente asinado pola persoa ou persoas que teñan a representación legal da

entidade. Neste caso, deberán redactarse en galego todos os formularios de solicitude de axudas.

Estes formularios presentaranse sen engadir novos datos e sen realizar emendas nin riscadas no seu formato orixinal, o que será causa de inadmisión a trámite.

3.2. Documentación xurídico-administrativa da empresa solicitante (orixinal ou copia compulsada) que deberá estar en vigor:

3.2.a) Escritura pública de constitución e estatutos, modificacións posteriores, se é o caso, e acreditación da súa inscrición no rexistro correspondente.

3.2.b) CIF da entidade solicitante. Se o CIF que se vai presentar dispón de código electrónico de verificación coa AEAT, poderá presentar documento sen compulsar.

3.2.c) Documentos públicos acreditativos de poder suficiente para actuar ante a Administración pública en nome e representación dunha persoa xurídica. Estes documentos deberán ser os de outorgamento do poder ou, de ser o caso, o do nomeamento do representante. Esta documentación, que deberá estar en vigor na data de presentación da solicitude, ten que presentarse íntegra e nela deberá figurar expresamente a súa inscrición no rexistro que legalmente lle puidese corresponder.

3.2.d) De ser o caso, se o solicitante é un empresario individual, DNI, NIE ou documento que acredite a persoalidade.

De acordo co disposto no artigo 35.f) da Lei 30/1992, non será necesario presentar a documentación xurídico administrativa que xa se atope en poder desta consellería, sempre que se manteña vixente e se identifique nos formularios de solicitude o ano de presentación e o código de procedemento administrativo para o que foi presentada.

No suposto de imposibilidade material de obter a documentación conforme o punto anterior ou se se constatase a súa invalidez, o órgano competente poderá requirir do solicitante a súa presentación ou, no seu defecto, a acreditación por outros medios dos requisitos a que se refire o documento, con anterioridade á formulación da proposta de resolución.

3.3. Documentación económica identificativa das contías dos investimentos.

Segundo o artigo 29 da Lei 9/2007, no caso de que o importe do investimento correspondente a un mesmo provedor (sen IVE) supere a contía de 12.000 euros, o solicitante deberá obter e achegar xunto coa solicitude copia de, como mínimo, 3 ofertas de diferentes provedores con carácter previo á contracción de compromiso para a prestación do servizo ou a entrega do ben. Considerando o anterior, deberá achegarse a documentación disposta nas alíneas seguintes:

3.3.a) Copia ordenada de todos e cada un dos orzamentos e ofertas detalladas dos investimentos sobre os que se solicita a axuda, obtidos dos provedores seleccionados polo solicitante, con independencia da contía dos investimentos. Non terán a consideración de orzamentos, as estimacións de gastos realizadas polo solicitante e que carezan do soporte da oferta do proveedor ou tarifa oficial do gasto.

3.3.b) De ser o caso, por superarse a contía de 12.000 €, copia ordenada de todos e cada un dos orzamentos e ofertas que non foron seleccionadas polo solicitante para a realización do proxecto.

3.3.c) De ser o caso, por superarse a contía de 12.000 €, memoria económica xustificativa da elección dos provedores, nos seguintes casos:

-Cando a elección do proveedor non recaia na oferta económica máis vantaxosa das tres que, como mínimo, obtivo o solicitante.

-Cando polas especiais características dos gastos subvencionables non exista no mercado suficiente número de entidades que o subministren ou presten.

Non existe a obriga de presentar esta memoria xustificativa cando a elección do proveedor recaia na oferta económica máis vantaxosa das tres que, como mínimo, obtivo o solicitante.

Nas ofertas presentadas, os provedores elixidos supoñen unha documentación vinculante para o desenvolvemento do proxecto no caso de ser beneficiario da axuda. Non se considerarán subvencionables, parcial ou totalmente, aqueles investimentos dos que non se presente documentación económica completa conforme o aquí recollido.

3.4. Certificados acreditativos de estar ao día nas obrigas coas administracións públicas, e certificado das epígrafes do IAE.

Como caso xeral, estes certificados non teñen que ser presentados, xa que a solicitude da axuda supón a autorización ao órgano xestor para solicitar as certificacións que deba emitir a Axencia Estatal da Administración Tributaria, a Tesouraría Xeral da Seguridade Social e a Consellería de Economía e Facenda.

Excepcionalmente, no caso de que o solicitante denegue expresamente a autorización ao órgano xestor para que solicite de oficio estas certificacións, facéndoo constar nos propios formularios de solicitude, deberá achegar xunto coa solicitude a seguinte documentación (orixinal ou copia compulsada) que deberá estar en vigor:

a) Certificado acreditativo de estar ao día nas súas obrigas coa Axencia Estatal da Administración Tributaria.

b) Certificado acreditativo de estar ao día nas súas obrigas coa Tesouraría Xeral da Seguridade Social.

c) Certificado acreditativo de estar ao día nas súas obrigas e que non ten pendente de pagamento

ningunha outra débeda, por ningún concepto, coa Administración pública da Comunidade Autónoma de Galicia.

d) Certificado da Axencia Estatal da Administración Tributaria en que se indiquen as epígrafes do imposto de actividades económicas en que figura dada de alta a empresa solicitante.

Se o certificado dispón de código electrónico de verificación coa Administración pública correspondente, poderá presentarse o dito documento sen compulsar.

No caso de que o solicitante deba presentar estes certificados na fase de emenda, logo de que a consulta polo órgano xestor non obtivese resultado favorable, a data de expedición dos certificados pola Administración correspondente deberá ser posterior á data de consulta polo órgano xestor, o que se comunicará no requirimento de emenda da documentación.

Artigo 6º.-*Consentimentos e autorizacións.*

1. Para os efectos do previsto no parágrafo 3 do punto 3º do artigo 20 da Lei 9/2007, a presentación da solicitude de concesión da subvención polo interesado comportará a autorización ao órgano xestor para solicitar as certificacións que deben emitir a Axencia Estatal da Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia.

Non obstante, o solicitante poderá denegar o consentimento, facéndoo constar expresamente no formulario de solicitude, debendo presentar entón as certificacións a que fai referencia este punto.

2. Igualmente, de conformidade co mesmo artigo 20.3º da Lei 9/2007, se o solicitante indica que certa documentación que se deba usar neste procedemento xa esta no poder da consellería, a presentación da solicitude implica a autorización ao órgano instrutor para acceder a esa documentación.

3. De acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, a persoa solicitante da subvención consente expresamente a inclusión e publicidade dos datos relevantes referidos ás axudas e subvencións recibidas, así como ás sancións impostas, no devandito rexistro, feito que terá lugar agás nos supostos legalmente establecidos.

4. De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, esta consellería publicará na súa páxina web oficial a relación dos beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e a súa publicación na citada páxi-

na web, coas excepcións previstas no artigo 15.2º d) da Lei 9/2007.

Artigo 7º.-Órganos competentes.

A Dirección Xeral de Promoción Industrial e da Sociedade da Información será o órgano competente para a instrución do procedemento de concesión da subvención, e correspóndenlle ao conselleiro de Innovación e Industria ditar a resolución de concesión.

Artigo 8º.-Instrución dos procedementos.

1. De conformidade co establecido no artigo 71 da Lei 30/1992, se a solicitude non reúne algún dos requisitos exixidos nestas bases reguladoras ou na correspondente convocatoria requirírase o interesado para que, nun prazo de dez días hábiles, emende a falta ou achegue os documentos preceptivos. Neste requirimento farase indicación expresa de que, se así non o fixese, terase por desistido na súa petición, logo da correspondente resolución.

Este requirimento de emenda tamén se fará se das certificacións obtidas de conformidade co artigo 6º.1 destas bases reguladoras resulta que non pode acreditarse que o solicitante se atope ao día no pagamento das súas obrigas tributarias e sociais co Estado, coa comunidade autónoma e coa Seguridade Social, ou no suposto de que sexa necesario achegar documentación, logo de aplicarse o disposto no artigo 35.f) da Lei 30/1992.

2. Por tratarse dun procedemento de concorrencia competitiva, e de conformidade co establecido nos artigos 59.6º b), 60 e 61 da indicada Lei 30/1992, os requirimentos citados de emenda ou corrección poderanse facer mediante publicación no DOG, e producirán os mesmos efectos que a notificación individualizada. A dita publicación tamén se realizará no taboleiro de anuncios da páxina web da Consellería de Innovación e Industria ao que se remitirá desde o texto publicado no DOG. Se a instrución do procedemento o aconsellase, o órgano competente poderá substituír esta publicación no DOG e na web, pola notificación individualizada de conformidade co establecido no artigo 59 da Lei 30/1992.

3. Sen prexuízo do disposto no parágrafo anterior, poderá requirirse o solicitante para que achegue cantos datos, documentos complementarios e aclaracións sexan necesarios para a tramitación e resolución do procedemento.

4. Unha vez revisadas as solicitudes e as emendas feitas, aqueles expedientes administrativos que reúnan todos os requisitos e a documentación necesaria serán remitidos á comisión encargada da súa valoración, de acordo co establecido no artigo seguinte.

5. Os expedientes que non cumpran as exixencias contidas nestas bases ou na normativa de aplicación, ou que non conteñan a documentación necesaria, quedarán á disposición do órgano instrutor para que

formule a proposta de resolución de inadmisión, na cal se indicarán as causas desta.

Artigo 9º.-Comisión de valoración.

1. A comisión de valoración será o órgano colexiado encargado de valorar as solicitudes de acordo cos criterios obxectivos fixados no artigo seguinte, así como de propoñer a concesión ou denegación das subvencións aos interesados.

2. A composición da comisión de valoración será a seguinte:

a) Presidenta.-A directora xeral de Promoción Industrial e da Sociedade da Información.

b) Vogais.-Os catro delegados provinciais da Consellería de Innovación e Industria.

c) Secretaria.-A subdirectora de Promoción Industrial e de Comercio Exterior.

3. Os/as suplentes serán nomeados/as pola Dirección Xeral de Promoción Industrial e da Sociedade da Información.

4. A comisión de valoración poderá estar asistida por expertos externos, e serán nomeados pola directora xeral de Promoción Industrial e Sociedade da Información.

5. Así mesmo, a comisión, poderá dispoñer a constitución dunha subcomisión técnica para os efectos de colaborar na revisión e valoración dos documentos achegados xunto coa solicitude. Tanto os membros da comisión como os membros da subcomisión técnica poderán percibir axudas de custo por asistencias e axudas para gastos de locomoción por concorreren ás sesións conforme o Decreto 144/2001, do 7 de xuño (DOG do 25 de xuño).

6. Na proposta de concesión que formule a comisión figurarán de xeito individualizado, os solicitantes propostos para obter a subvención, e especificarase, se é o caso, a avaliación que lles corresponde segundo os criterios recollidos no artigo seguinte. Así mesmo, indicarse o importe da subvención para cada un deles, ata esgotar o crédito dispoñible.

7. Sen prexuízo do recollido nos puntos anteriores, á vista da documentación dispoñible ou como resultado da valoración obtida, a comisión de valoración poderá considerar como non viable técnica, económica ou financeiramente un proxecto presentado, ben parcialmente ou ben na súa totalidade. Nese caso, eses investimentos non serían subvencionables.

8. A comisión de valoración, con carácter xeral para todos os proxectos presentados, poderá establecer límites máximos de investimento subvencionable naqueles conceptos en que xustificadamente se considere necesario, segundo criterios de máxima eficiencia na asignación de recursos

Artigo 10º.-Criterios de valoración.

Os proxectos ou actuacións que se presenten deberán ser técnica, económica e financeiramente via-

bles e os criterios de avaliación que servirán de base para a determinación da preferencia na concesión da subvención e na súa intensidade, relacionados por orde decrecente de importancia, serán os seguintes:

a) Esfuerzo investidor segundo o tamaño da empresa. (0-30).

Para a clasificación das empresas, segundo o seu tamaño, actuarase de acordo coa Resolución da Comisión Europea do 6 de maio de 2003 (DOUE do 20 de maio) sobre definición de microempresa, pequena e mediana empresa:

Considérase microempresa unha empresa que ocupa a menos de 10 persoas e cuxo volume de negocios anual ou o seu balance xeral anual non supera os 2 millóns de euros. A estas empresas correspóndenlles 30 puntos.

Considérase pequena empresa unha empresa que ocupa a menos de 50 persoas e cuxo volume de negocios anual ou o seu balance xeral anual non supera os 10 millóns de euros. A estas empresas correspóndenlles 20 puntos.

Considérase mediana empresa unha empresa que ocupa a menos de 250 persoas e cuxo volume de negocios anual non excede dos 50 millóns de euros e cuxo balance xeral anual non excede os 43 millóns de euros. A estas empresas correspóndenlles 10 puntos.

No caso de empresas non autónomas, é dicir, que estean participadas por outras organizacións, debe-rase acudir ao artigo 3º da dita recomendación, para o cálculo dos efectivos e os importes financeiros, para os efectos de determinar se pertence ou non ás categorías de empresas subvencionables ao abeiro desta convocatoria.

b) Impacto territorial e demográfico (de 0 a 15 puntos).

Para valorar este criterio, terase en conta a situación do concello en que terá lugar o investimento, do seguinte xeito:

1. Situación nos concellos de Ferrol, A Coruña, Santiago de Compostela, Pontevedra, Vigo, Lugo e Ourense: 5 puntos.

2. Situación en concellos de máis de 20.000 habitantes, excluídos os concellos do punto anterior: 10 puntos.

3. Ao resto de concellos correspóndenlles 15 puntos.

c) Grao de adecuación da actuación ás necesidades da empresa segundo a súa actividade (de 0 a 15 puntos).

d) Certificacións que acrediten a existencia na empresa de sistemas de calidade ambientais, RSE ou excelencia (de 0 a 15 puntos) .

Cando acrediten a tenza de máis dunha certificación outorgaránselle 15 puntos, no caso de ter unha

certificación 7,5 puntos e no caso de non ter ningunha 0 puntos.

e) Pertenza do solicitante a algunha asociación ou agrupación de empresas galega (de 0 a 10 puntos).

f) Solicitude presentada correctamente, sen que sexa necesaria a súa rectificación nin petición de documentación complementaria (10 puntos).

Para os efectos de aplicación deste criterio, non se considerará rectificación se o solicitante se tivese acollido ao previsto no artigo 35.f) da Lei 30/1992 e existise imposibilidade material de acceder á documentación en poder desta consellería, polo que sería preciso o seu requirimento. Para estes mesmos efectos tampouco se considerará rectificación a petición ao solicitante dos certificados sobre cumprimentos de obrigas con outras AA.PP., se o solicitante autorízase o órgano xestor e non se obtivese un resultado positivo.

g) Compromiso de utilización da lingua galega en todas as relacións que o interesado manteña coa Administración autonómica, de acordo co establecido no artigo 6.3º da Lei 3/1983, do 15 de xuño, de normalización lingüística. Este compromiso acreditarase mediante a presentación, debidamente asinada, do modelo que se inclúe como anexo V (5 puntos).

Artigo 11º.-*Audiencia.*

1. Instruído o procedemento, e inmediatamente antes de redactar a proposta de resolución, porase de manifesto aos interesados para que, nun prazo de dez días, poidan formular alegacións e presentar os documentos e xustificacións que consideren pertinentes.

2. Porén, poderase prescindir do trámite a que se refire o punto anterior cando non figuren no procedemento nin se vaian ter en conta na resolución outros feitos nin outras alegacións ou probas que as aducidas polo interesado.

Artigo 12º.-*Resolución e notificación.*

1. Unha vez concluído o trámite de audiencia, a comisión de valoración formulará a proposta de resolución, que se elevará, a través do órgano instrutor, ao conselleiro.

2. O conselleiro, á vista da proposta, ditará a correspondente resolución, que deberá estar debidamente motivada e expresará, cando menos, a actuación que se subvenciona e o seu custo, así como a subvención concedida e a súa contía, ou, se é o caso, a causa de denegación.

En ningún caso o importe da subvención concedida poderá superar o custo da actividade que vaia desenvolver o beneficiario ou, se é o caso, a porcentaxe máxima do investimento subvencionable legalmente establecido.

3. O prazo máximo para resolver e notificar a resolución ao interesado será de nove meses contados a partir do seguinte ao da publicación da orde de con-

vocatoria no *Diario Oficial de Galicia*. Se transcorre-se o prazo máximo para resolver sen que recaese resolución expresa, os interesados poderán entender desestimadas as súas solicitudes por silencio administrativo.

4. Todas as resolucións serán notificadas de acordo co establecido na Lei 30/1992, do 26 de novembro. Non obstante, e de conformidade co establecido no artigo 59.6º b) da indicada lei, poderase substituír a notificación individual pola publicación no *Diario Oficial de Galicia* e na páxina web da Consellería de Innovación e Industria. Nesta publicación especificarase a data da convocatoria, o beneficiario, a cantidade concedida e a finalidade da subvención outorgada. Coa publicación no DOG poderán remitirse os beneficiarios para que consulten información detallada da resolución nun taboleiro da citada web.

As solicitudes desestimadas notificaranse individualmente, con indicación das causas de desestimación. Non obstante, poderase substituír a dita notificación individual pola publicación no DOG, coa indicación de que os non beneficiarios consulten a información detallada da súa resolución nun taboleiro da citada web.

Artigo 13º.-*Réxime de recursos.*

As resolucións ditadas ao abeiro da correspondente orde de convocatoria poñerán fin á vía administrativa e contra elas poderán interpoñerse os seguintes recursos, sen prexuízo de que os interesados poidan exercer calquera outro que consideren procedente:

a) Recurso potestativo de reposición ante o conselleiro de Innovación e Industria, no prazo dun mes contado a partir do día seguinte ao da notificación da resolución, se esta fose expresa, ou de tres meses contados a partir do seguinte a aquel en que se produza o acto presunto.

b) Recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados desde o día seguinte ao da notificación da resolución, se esta fose expresa, ou de seis meses contados a partir do seguinte a aquel en que se produza o acto presunto.

Artigo 14º.-*Modificación da resolución.*

1. Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

2. Cando por circunstancias técnicas sexa imprescindible variar o contido específico dos investimentos recollidos no proxecto inicial, o órgano competente para a concesión da axuda poderá acordar a modificación da resolución por instancia do/a bene-

ficiario/a, debendo cumprirse os seguintes requisitos:

a) Que a modificación do proxecto estea comprendida dentro da finalidade desta orde.

b) Que se acredite a inexistencia de prexuízo a terceiros.

c) Que os novos elementos e circunstancias que motiven a modificación, de ter concurrido na concesión inicial, non supuxesen a denegación da subvención.

3. O beneficiario deberá solicitar a dita modificación mediante instancia dirixida ao conselleiro de Innovación e Industria acompañada da documentación acreditativa do cumprimento dos requisitos reflectidos no punto anterior, ata o 16 de setembro de 2008. De non facelo implicará a perda da subvención afectada pola modificación e no caso de que esta implique unha variación substancial do proxecto inicial, a perda total da subvención concedida.

4. A conformidade expresa da Consellería de Innovación e Industria ás mencionadas modificacións requirirá informe favorable da Dirección Xeral de Promoción Industrial e da Sociedade da Información, e só será outorgada cando non se altere significativamente o proxecto inicial e se cumpran os requisitos antes indicados.

5. O acto polo que se acorde ou se denegue a modificación da resolución será ditado polo conselleiro de Innovación e Industria logo da instrución do correspondente expediente en que se lle dará audiencia ao interesado nos termos previstos no artigo 11º destas bases reguladoras.

Artigo 15º.-*Aceptación e renuncia.*

Sen prexuízo dos recursos que procedan contra a resolución de concesión, transcorridos quince días naturais desde a notificación ou publicación desta sen que o interesado comunicase expresamente a súa renuncia á subvención entenderase que a acepta, e desde ese momento adquirirá a condición de beneficiario.

A renuncia á subvención poderase facer axustándose ao modelo que se inclúe como anexo VI, así como por calquera outro medio que permita a súa constancia, de acordo co establecido no artigo 91 da Lei 30/1992.

No caso de que se comunicase a renuncia en prazo, o conselleiro ditará a correspondente resolución nos termos do artigo 42.1º da Lei 30/1992.

Artigo 16º.-*Obrigas dos beneficiarios.*

Son obrigas das empresas beneficiarias:

a) Realizar a actuación que fundamenta a concesión da subvención.

b) Acreditar ante a entidade concedente a realización do investimento, así como o cumprimento dos requisitos e condicións que determinan a concesión da axuda, no prazo sinalado na convocatoria ou excepcionalmente o que se sinale na resolución cando esta sexa consecuencia da estimación dun recurso potestativo de reposición.

c) Acreditar con anterioridade a ditarse a proposta de resolución de concesión, así como antes das correspondentes propostas de pagamento, que se atopa ao día das súas obrigas tributarias estatais e coa Seguridade Social, e que non ten pendente de pagamento ningunha outra débeda, por ningún concepto, coa Administración pública da comunidade autónoma. No caso que as actuacións de oficio levadas a cabo polo órgano instructor, consonte co artigo 20.3º da Lei 9/2007, desen como resultado que o solicitante ou o beneficiario ten débedas ou obrigas con algunha destas administracións requirirase o solicitante ou beneficiario para que regularice a situación e presente por si mesmo o correspondente certificado.

d) Someterse ás actuacións de comprobación que deba efectuar o órgano concedente, ás de fiscalización e control que corresponde á Intervención Xeral da Comunidade Autónoma en relación coa axuda concedida, ás previstas na lexislación do Tribunal de Contas e do Consello de Contas e, se é o caso, ás dos servizos financeiros da Comisión Europea e do Tribunal de Contas Europeo.

e) Comunicar á entidade concedente a obtención de subvencións, axudas, ingresos ou recursos que financien as actividades subvencionadas así como a modificación das circunstancias que fundamentasen a concesión da subvención.

f) Dispor dos libros contables, rexistros dilixenciados e demais documentos debidamente auditados nos termos exixidos pola lexislación mercantil e sectorial aplicable ao/a beneficiario/a en cada caso, coa finalidade de garantir o adecuado exercicio das facultades de comprobación e control.

g) Manter os investimentos subvencionados, conservar toda a documentación relacionada coa axuda outorgada e a aplicación dos fondos recibidos, durante un período de cinco anos desde a súa concesión

h) Conservar os documentos xustificativos da aplicación dos fondos recibidos incluídos os documentos electrónicos mentres poidan ser obxecto das actuacións de comprobación e control.

i) Proceder ao reintegro, total ou parcial, dos fondos percibidos, no suposto de incumprimento das condicións establecidas para a súa concesión, nos supostos previstos no artigo 33 da Lei 9/2007, do 13 de xuño, de subvencións de Galicia.

j) Os beneficiarios deberán dar a adecuada publicidade do carácter público do financiamento en todas as actuacións que deriven da execución do proxecto, en cumprimento do artigo 15.3º da Lei 9/2007, e do Regulamento (CE) 1828/2006 (DOUE 15-2-2007). En concreto, as entidades beneficiarias de axudas deberán facer constar o cofinanciamento dos activos adquiridos ao abeiro desta orde de axudas con fondos europeos Feder, así como pola Xunta de Galicia a través da Consellería de Innovación e Industria de acordo coa regulamentación comunitaria nesta materia. Para isto empregarán adhesivos ou distintivos similares coa lenda Proxecto cofinanciado, acompañado do escudo normalizado da Xunta de Galicia coa lenda Consellería de Innovación e Industria-Dirección Xeral de Promoción Industrial e da Sociedade da Información e Dirección Xeral de Investigación, Desenvolvemento e Innovación, e o emblema normalizado da Unión Europea coa lenda Unión Europea. Fondo Europeo de Desenvolvemento Rexional, así coma a lenda Investimos no seu futuro.

Para dar cumprimento á publicidade do cofinanciamento, seguiranse as instrucións que se recollen no enderezo da internet www.conselleriaiei.org.

Artigo 17º.-*Subcontratación.*

A subcontratación realizarase de acordo co establecido no artigo 27 da Lei 9/2007, do 17 de novembro, xeral de subvencións, podendo alcanzar o custo total da actividade proposta.

En todo caso respectarase a prohibición de subcontratación cos provedores de bens ou servizos en que recaian algunha das condicións establecidas no artigo 29 da citada lei, e no artigo 68 do Real decreto 887/2006 que desenvolve a citada lei. Faise especial indicación de que os provedores non poderán estar vinculados coa entidade solicitante ou cos seus órganos directivos ou xestores.

Artigo 18º.-*Xustificación da subvención.*

1. Para cobrar a subvención concedida, o beneficiario deberá presentar un exemplar con toda a documentación xustificativa (orixinal ou copia compulsada), tendo de prazo para presentala ata o 17 de novembro de 2008. Deberá presentar, nos lugares sinalados no artigo 3 da convocatoria (previstos na convocatoria para a presentación de solicitudes), tendo en conta que a documentación se redactará en galego no caso de asinar e presentar o anexo V da solicitude segundo o artigo 5º das bases.

a) Solicitude de libramento da subvención (modelo dispoñible na web da consellería).

b) Memoria na cal deberán quedar descritos e identificados os bens adquiridos.

c) Xustificantes dos investimentos: facturas dos provedores en relación cos gastos subvencionables e

demais documentos de valor probatorio equivalente no tráfico xurídico mercantil e con eficacia administrativa nos termos que se establezan regulamentariamente, (importe sen IVE e importe total), en relación cos gastos subvencionables, emitidas dentro do período comprendido entre a data de inicio do proxecto e a data límite de xustificación do proxecto. Xuntarase relación nominativa de facturas agrupadas e ordenadas por gastos subvencionables, facendo constar para cada documento o seu número de orde, data de expedición, expedidor, concepto, importe en euros e data de pagamento (especificando, se é o caso, o tipo de cambio aplicado).

d) Xustificación dos pagamentos: transferencia bancaria, certificación bancaria orixinal ou extracto de pagamento comprendido entre a data de inicio do proxecto e a data límite da xustificación do proxecto. Nestes documentos deberán quedar claramente identificados o receptor e o emisor do pagamento. Non se admitirán os pagamentos en efectivo.

Non se admitirán como xustificantes os obtidos a través da internet se non están validados pola entidade bancaria ou dispoñen de códigos para a súa verificación por terceiros na sede electrónica da dita entidade bancaria.

e) Fotografías das máquinas adquiridas onde deberá figurar o cofinanciamento.

f) Declaración de axudas obtidas e solicitadas para o mesmo investimento para o que se concedeu esta subvención en calquera outra administración, organismo ou ente público ou privado. No caso de ser beneficiario dalgunha axuda ou subvención para a mesma actuación deberá achegarse a documentación necesaria para a súa valoración para os efectos da súa concorrencia coa axuda outorgada (modelo dispoñible na web da consellería)

g) Certificación expedida pola entidade bancaria da titularidade da conta onde se debe realizar o pagamento en que conste a razón social e o CIF da entidade subvencionada así como o ordinal bancario, código de banco, código de sucursal e código de conta corrente.

h) Documentación que acredite a publicidade do cofinanciamiento con fondos Feder segundo o sinalado nestas bases reguladoras no referente ás obrigas dos beneficiarios.

i) Excepcionalmente, no caso de que o solicitante denegase expresamente a autorización ao órgano xestor para que solicite de oficio estas certificacións, deberá achegar certificados de que se atopa ao día das súas obrigas tributarias estatais e autonómicas e da Seguridade Social e que non ten pendente de pagamento ningunha outra débeda, por ningún concepto, coa Administración pública da comunidade autónoma.

j) Calquera outro documento que se requira durante a tramitación do expediente para a verificación do proxecto.

2. Transcorrido o prazo indicado sen que o beneficiario presentase a documentación xustificativa entenderase que renuncia á subvención. Neste caso, o conselleiro ditará a oportuna resolución, nos termos do artigo 42.1º da Lei 30/1992.

Artigo 19º.-*Pagamento.*

1. Recibida a documentación xustificativa da subvención, os órganos competentes da consellería, antes de proceder ao seu pagamento, poderán realizar as actuacións de comprobación oportunas para verificar o cumprimento da actividade subvencionada e das condicións establecidas para a súa concesión.

2. Procederá a minoración da subvención concedida cando o investimento realizado e xustificado teña un importe inferior ao inicialmente previsto e sempre que esta minoración non supoña unha realización deficiente do proxecto.

Artigo 20º.-*Incumprimento, reintegros e sancións.*

1. O incumprimento das obrigas contidas nestas bases reguladoras, na convocatoria ou na demais normativa aplicable, así como das condicións que, se é o caso, se establezan na resolución de concesión, dará lugar á obriga de devolver total ou parcialmente as subvencións percibidas, así como os xuros de demora correspondentes.

2. Para facer efectiva a devolución a que se refire o punto anterior tramitarase o oportuno procedemento de reintegro, que se axustará ao previsto no título II do reintegro de subvencións da Lei 9/2007.

3. Aos beneficiarios das subvencións reguladas nestas bases seralles de aplicación o réxime de infraccións e sancións previsto no título IV da Lei 9/2007.

Artigo 21º.-*Control.*

1. A Consellería de Innovación e Industria poderá facer as actividades de inspección que considere oportunas para controlar o cumprimento das subvencións.

2. Alén do anterior, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño, de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Contas e do Consello de Contas, así como, se é o caso, aos dos servizos financeiros da Comisión Europea e do Tribunal de Contas Europeo.

Artigo 22º.-*Publicidade.*

1. No prazo máximo de tres meses contados desde a data de resolución da concesión publicarase no *Diario Oficial de Galicia* a relación das subvencións concedidas con indicación da norma reguladora, beneficiario, crédito orzamentario, contía e finalidade da subvención.

2. Cando os importes das subvencións concedidas, individualmente consideradas, sexan de contía inferior a 3.000 €, non será necesaria a publicación no *Diario Oficial de Galicia*, podendo substituírse esta pola publicación das subvencións concedidas na páxina web da Consellería de Innovación e Industria.

Artigo 23º.-*Protección de datos.*

A Consellería de Innovación e Industria velará polos datos de carácter persoal que serán obxecto de tratamento, e para eses efectos procederase á súa incorporación a un ficheiro que cumprirá as exigencias da Lei 15/1999, de protección de datos, e adoptaranse tanto as medidas de seguridade técnicas como organizativas.

A finalidade da recollida e tratamento dos datos persoais será estritamente a xestión e tramitación do expediente correspondente e as que deriven da aplicación da Lei 4/2006, de transparencia e boas prácticas na Administración pública galega.

Os datos non serán obxecto de cesión a terceiros, no entanto, a Consellería de Innovación e Industria revelará ás autoridades públicas competentes os datos persoais e calquera outra información que estea no seu poder ou sexa accesible a través dos seus sistemas e sexa requirida de conformidade coas disposicións legais e regulamentarias aplicables ao caso. Decláranse recoñecidos e poderán exercerse os dereitos de acceso, cancelación, rectificación e oposición por escrito e achegando identificación suficiente ao seguinte enderezo, edificios administrativos Xunta de Galicia-San Caetano, s/n-15704 Santiago de Compostela, ou ben mediante o procedemento habilitado para o efecto e que poderá atopar na Guía do Cidadán da páxina web da Xunta.

Artigo 24º.-*Remisión normativa.*

Para todo o non previsto nestas bases observarase o previsto na Lei 9/2007, do 13 de xuño, de subvencións de Galicia, no Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, en canto non se opoña ao disposto na Lei 9/2007, do 13 de xuño, de subvencións de Galicia, no Regulamento (CE) nº 70/2001 da Comisión, do 12 de xaneiro de 2001, relativo á aplicación dos artigos 87 e 88 do Tratado ás axudas estatais ás pequenas e medianas empresas, e no resto de normativa que resulte de aplicación.

ANEXO II

Relación de IAES

2211-2559 Aquelas epígrafes do IAE que se inclúan no devandito intervalo (extracción e transformación de minerais non enerxéticos e produtos derivados. Industria química).

Aquelas epígrafes do IAE que empecen por 3 (industrias transformadoras dos metais. Mecánica de precisión).

Aquelas epígrafes do IAE que empecen por 4 (outras industrias manufactureiras).

5013 Albanelaría e pequenos traballos de construción.

5041 Instalacións eléctricas en xeral.

5042 Instalacións de fontanaría.

5043 Instalacións frío e calor.

5044 Instalacións de pararraios.

5045 Instalacións de cocinas.

5046 Instalación de aparellos elevadores.

5047 Instalacións telefónicas.

5048 Montaxes metálicas e instalacións industriais.

5051 Revestimentos exteriores e interiores.

5052 Solados e pavimentos.

5053 Solados e pavimentos de madeira.

5054 Colocación de illamentos en edificios.

5055 Carpintaría e cerrallaría.

5056 Pintura e revestimento con papel, tecido.

5057 Xeso, escaiola e decoración.

507 Construción, reparación e conservación de toda clase de obras.

6911 Reparación de artigos eléctricos para o fogar.

6912 Reparación de vehículos automóbiles, bicicletas e outros vehículos.

6919 Reparación doutros bens de consumo N.C.O.P.

692 Reparación de maquinaria industrial.

9711 Tinguidura, limpeza en seco, lavado e pasada de ferro.

9712 Limpeza e tinguidura de calzado.

9721 Servizos de perrucaría de señoras e cabaleiros.

9722 Salóns e institucións de beleza.



ANEXO III (Folla 3)
(modelo normalizado de solitudine)

[illegible][illegible]

INVESTIMENTOS (€) 2008

A presentación da solicitude implica o consentimento para a inclusión e publicidade dos datos relevantes referidos ás subvencións e subvencions, así como ás sancions impostas, nos rexistros de axudas, subvencions e de sancions da Xunta de Galicia, de acordo co disposto no Decreto 132/2006, do 27 de xullo.

ANEXO IV (FOLLA 2)
(modelo de declaración da entidade)

DECLARACIÓN EXPRESA DA ENTIDADE SOLICITANTE. AXUDAS PÚBLICAS OU PRIVADAS PARA ESTE PROXECTO

D/D*

con DNI n.º:

D/D*

con DNI n.º:

En representación da entidade

DECLARA EXPRESAMENTE:

1) QUE SOLICITOU E/OU TEN CONCEDIDAS para o mesmo proxecto e conceptos para os que solicita esta subvención, as axudas que se relacionan segundamente:

AXUDAS CONCEDIDAS		
Organismo	Ano	Importe (€)

AXUDAS SOLICITADAS		
Organismo	Ano	Importe (€)

En _____ de _____ de _____
(sinatura)

Así mesmo, comprométese a comunicar estas axudas de financiamento ou outras axudas solicite ou obteña para a mesma actuación das administracións públicas ou douros entes públicos ou privados, nacionais ou internacionais, a partir da data desta declaración, segundo o artigo 15.4º do Decreto 287/2000, do 21 de novembro.

ANEXO IV (FOLLA 1)
(modelo de declaración da entidade)

DECLARACIÓN EXPRESA DA ENTIDADE SOLICITANTE

D/D*

con DNI n.º:

D/D*

con DNI n.º:

En representación da entidade

DECLARA EXPRESAMENTE:

1) QUE todos os datos que figuran na solicitude, nos seus anexos e demais documentación SON CERTOS E QUE A DITA EMPRESA, de acordo cos criterios establecidos na Recomendación da Comisión Europea do 6 de maio de 2003 (DOCE do 20 de maio de 2003), sobre a definición de microempresas, pequenas e medianas empresas PERTENCE A CATEGORÍA DE (sinala cun X):
☐ MICROEMPRESA ☐ PEQUENA EMPRESA ☐ MEDIANA EMPRESA

2) QUE COÑECE E ADMITE AS CONDICIÓNIS da convocatoria (todos os artigos) e cumpre cos requisitos establecidos nela e non está suxeita a ningunha das exclusións segundo artigo 4 das bases reguladoras.

3) QUE NON SE ATOPA incurso en ningunha das prohibicións para obter a condición de beneficiario recollidas no punto 2º do artigo 10 da Lei 9/2007, do 13 de xuño, de subvencións de Galicia.

4) QUE OS PROVEDORES NON ESTÁN VINCULADOS coa entidade solicitante nin cos seus órganos directivos ou xestores, nin concorren neles ningunha das prohibicións previstas no punto 7º do artigo 27 da Lei 9/2007.

5) QUE SE ATOPA DADO DE ALTA, cunha antigüidade de 2 anos, no imposto de actividades económicas na **actividade principal** e na epígrafe do IAE seguinte, e que, corresponde con algunha das epígrafes do IAE relacionadas no anexo II:

ACTIVIDADE PRINCIPAL

EPÍGRAFE DO IAE

6) QUE coñece o previsto no artigo 20.3º da Lei 9/2007, do 13 de xuño, de subvencións de Galicia, no referente a que a presentación da solicitude comporta a autorización ao órgano xestor para solicitar os certificados que emite a Xerencia Estatal da Administración Tributaria, a Tesouraría Xeral da Seguridade Social, a Consellería de Economía e Facenda respecto á acreditación da alta no IAE, o cumprimento das obrigas tributarias e fronte á Seguridade Social e de non ter débedas coa Comunidade Autónoma de Galicia.
☐ (marcar cun X, se é o caso) NON OBTÉN O ANTERIOR, NON AUTORIZA O ORGANO XESTOR para solicitalos e presentará os certificados baixo a súa propia responsabilidade.

En _____ de _____ de _____
(sinatura e selo da empresa)

DEFINICIÓN DE MICROEMPRESA, PEQUENA EMPRESA E MEDIANA EMPRESA SEGUNDO A RECOMENDACIÓN DA COMISIÓN EUROPEA DO 6 DE MAIO DE 2003:

Defínese unha mediana empresa como: unha empresa que ocupa a menos de 250 persoas e cuxo volume de negocios anual non excede os 50 millóns de euros ou cuxo balance xeral anual non excede os 43 millóns de euros.

Defínese unha pequena empresa como unha empresa que ocupa a menos de 50 persoas e cuxo volume de negocios anual ou o seu balance xeral anual non superen os 10 millóns de euros.

Defínese unha microempresa como unha empresa que ocupa a menos de 10 persoas e cuxo volume de negocios anual ou o seu balance xeral anual non superen os 2 millóns de euros.

No caso de empresas NON AUTÓNOMAS, é dicir, que estean participadas por outras organizacións, débese acudir ao artigo 3º da dita recomendación, para o cálculo dos efectivos e os importes financeiros, para os efectos de determinar se pertence ou non ás categorías de empresas subvencionables ao abeiro desta convocatoria.

